

**Fundargerð**  
**345. fundar framkvæmdastjórnar Sjúkraliðafélags Íslands,**  
**haldinn 15. nóvember 2017, kl 16.30 að Grensásvegi 16.**

**Fundinn sátu:**

Kristín Á Guðmundsdóttir, formaður  
Kristín Ólafsdóttir, varaformaður  
Jóhanna Traustadóttir, ritari  
Jóna Jóhanna Sveinsdóttir, gjaldkeri

**Fundarritun annaðist:**

Gunnar Örn Gunnarsson, framkvæmdastjóri SLFÍ

**Dagskrá:**

1. Fundur settur
2. Fundargerð síðasta fundar
3. Fyrirmyndastjórnandinn 2017
4. PSI þingið í Genf
5. Ráðstefna um vinnutíma í Brussel
6. Málefni Vesturlandsdeildar
7. Kjaramál
  - Stofnanasamningar á Suðurnesjum
    - Enn í vinnslu frá 2016
    - Pottar fyrir 2018
  - Vinna við bókun 8 með kjarasamningi við ríkið
8. Kostnaðaráætlun sérdeildar SLFÍ af aðalfundi
9. Vestmannaeyjadeild
10. Styrkbeiðni frá Hjálparstarfi kirkjunnar
11. Undirbúningur að ráðstefnu um málefni aldraðra
12. Sjúkraliðinn blað SLFÍ
13. Formaður SLFÍ með erindi á fræðsluráðstefnu LSH

**Önnur mál**

**Dagskrá:**

1. Fundur settur  
Kristín Á Guðmundsdóttir (KÁG) formaður Sjúkraliðafélags Íslands (SLFÍ) setti fund og bauð alla velkomna og fór yfir hvers vegna fundurinn væri í seinna fallinu og um leið baðst hún afsökunar á niðurfellingu síðasta fundar.

## 2. Fundargerð síðasta fundar

Jóhanna Traustadóttir (JT) ritari SLFÍ gerði grein fyrir að fundargerð síðasta fundar væri samþykkt og komin á netið.

## 3. Fyrirmyndastjórnandinn 2017

KÁG og GÖG fóru yfir að nú væri komin í gang hin árlega leit að stjórnanda ársins. Áhersla væri á að finna þann stjórnanda sem skaraði fram úr að mati sjúkraliða í mannauðsstjórnun. Viðkomandi stjórnandi verður verðlaunaður og kynntur í Sjúkraliðanum.

Búið er að senda erindi á alla sjúkraliða sem hafa tölvupóstfang í kerfi félagsins og ábendingum þarf að skila inn fyrir 1. desember.

## 4. 30. PSI þing í Genf vikuna 30. október til 3. nóvember

KÁG gerði grein fyrir að þátttakendur á þinginu væru fulltrúar opinberra starfsmanna frá 134 löndum um 2000 fulltrúar, en hún var fulltrúi á þinginu og Birna Ólafsdóttir áheyrnafulltrúi.

Málefnið og áherslur eru gríðarlega fjölbreytt og ólík eftir löndum og það er enn mjög áberandi að Norðurlöndin og hinn vestræni heimur er kominn langlengst í réttindum þjóðfélagsþegna og þ.a.l. starfsmanna. Á þinginu var m.a. rætt um ofbeldi gegn konum og rætt um viðbrögð gegn því. Lagt var upp með í tengslum við umræðuna um skattaskjól auðmanna og undanskotin að tími væri kominn á „að taka mannauð fram yfir gróða“ því ljóst væri að ráðrúm væri til þess ef skattaskjólspeningarnir væru nýttir í viðkomandi löndum.

## 5. Ráðstefna í Brussel, 25. október um styttingu vinnuvikunnar

GÖG gerði grein fyrir ráðstefnu sem hann tók þátt í og var um mögulegar samræmdar aðgerðir Evrópuþjóða til að vinna að enn frekari styttingu vinnuvikunnar. Á ráðstefnunni var kynnt og farið yfir nýlega rannsókn á lengd vinnuvikunnar í Evrópu. Engin gögn voru um vinnutímamann á Íslandi þ.s. þau fengust ekki. Einnig var farið yfir ástæður og mikilvægi þess að ná styttingu vinnuvikunnar, því það væri m.a. hluti af jafnréttisbaráttu, kæmi í veg fyrir kulnun/burn out, fjölgaði störfum og bætti fjölskyldulíf.

KÁG fór yfir fund sem hún var að koma af þ.s. farið var yfir og kynntar niðurstöður úr verkefninu stytting vinnuvikunnar hjá Reykjavíkurborg. Verkefnið hafa skilað góðum árangri og m.a. hefur dregið verulega úr veikindum á þeim vinnustöðum sem stytta hafa vinnutímamann. Skýrslu um verkefnið verður skilað í apríl, en verkefninu lýkur ekki fyrr en í ágúst.

## 6. Málefni Vesturlandsdeildar

KÁG ræddi uppákomu á síðasta aðalfundi Vesturlandsdeildar sem varðar að einhverju leyti togstreitu vegna fastra jólahéðna hjá sjúkraliðum á Akranesi og greiðsluþátttöku deildarinnar í því. Einnig var rætt um að ekkert væri um fræðslu. Átök urðu um málið á fundinum sem ekki hafa verið útkljáð. KÁG og Jóna Jóhanna Sveinsdóttir gjaldkeri SLFÍ munu funda með sjúkraliðum á Akranesi til að ræða málin.

## 7. Kjaramál

- Farið var yfir stöðuna varðandi gerð/uppfærslu stofnanasamnings á Heilbrigðisstofnun Suðurnesja. Eins og áður hefur komið fram þá hafa stjórnendur stofnunarinnar þverskallast við að leiðrétta laun sjúkraliða í heimahjúkrun, sem átti að gerast samhliða öðrum breytingum á stofnanasamningi samkvæmt bókun í

stofnanasamningi frá 2013. Launahækkunum annarra sjúkraliða hefur verið haldið í gíslingu frá því í júní 2016 vegna þessa. Sjúkraliðar í heimahjúkrun ákváðu að biða ekki lengur aðgerðarlausar og sendu inn bréf þ.s. fram koma að frá og með 1. desember 2017 gefi þær ekki lyf þ.s. það er ekki í þeirra starfslýsingu og þær ekki launaraðaðar miðað við það. Málið er enn í vinnslu.

- Rætt var um stöðuna í vinnunni vegna bókungar 8 í síðasta kjarasamningi við ríkið, sem varðar auknar greiðslur í menntunarsjóði félagsins. Illa hefur gengið að ná saman um skipulag og greiðslur og sér ekki fyrir endann á því. Reykjavíkurborg mun að einhverju leyti vera með í þessum breytingum og hugsanlega eiga fulltrúa í stjórn Starfsþróunarsjóðs. [Sjá fylgiskjal](#)

#### **8. Kostnaðaráætlun sérdeildar SLFÍ vegna aðalfundar deildarinnar**

Farið var yfir beiðni frá Deild sjúkraliða með sérnám um styrk til að halda aðalfund þann 20. nóvember. Beiðnin samþykkt. [Sjá fylgiskjal](#)

#### **9. Fjárhags- og kostnaðaráætlun frá Vestmannaeyjadeild**

Farið var yfir gögn frá Vestmannaeyjadeildinni. [Sjá skjöl](#)

#### **10. Styrkbeiðni frá Hjálparstarfi kirkjunnar**

Styrkbeiðnin rædd og ákveðið að hafna erindinu. [Sjá skjal](#)

#### **11. Undirbúningur að ráðstefnu um málefni aldraðra**

Haldinn var fundur um málið þriðjudaginn 14. nóvember í fundarsal SLFÍ. Á fundinn mættu KÁG, Birna Ólafsdóttir, Ögmundur Jónasson, Hanna Steinsson félagsráðgjafi, Ólafur Þór Gunnarsson öldrunarlæknir og þingmaður VG og Þórdís S Hannedóttir verðandi formaður Deildar sjúkraliða með sérnám, en Ingibjörg Hjaltadóttir gat ekki mætt, en mun vinna með að undirbúningi ráðstefnunnar. Farið var yfir dagskrárdrög sem lágu fyrir frá félagsstjórn og bætt við hana nokkrum liðum. Farið var yfir mögulega fyrirlesara. Ákveðið var að ráðstefnan verði ekki fyrir en eftir áramót og þá sennilega í apríl. Mikill áhugi kom fram hjá öllum viðstöddum.

#### **12. Sjúkraliðinn blað SLFÍ**

GÖG fór yfir helstu efnistöð og innihald desemberblaðs Sjúkraliðans. Fram kom að fjallað verður ítarlega um styttingu vinnuvikunnar, trúnaðarmannaráðstefnu BSRB og trúnaðarmannafund SLFÍ o.fl.

Undir þessum lið var það rætt að Vaktabókin er komin í prentun og verður tilbúin til pökkunar og dreifingu fyrir en venjulega.

#### **13. Formaður SLFÍ verður með erindi á fræðsluráðstefnu LSH þann 22. nóvember**

Fram kom að Kristín Á Guðmundsdóttir formaður SLFÍ hefur verið beðin um að vera með erindi á fræðsludegi Landspítala háskólasjúkrahúss og fjalla um sýn stéttarfélagsins á gerð og virkni stofnanasamninga. Aðrir fyrirlesarar eru Páll Matthíasson forstjóri LSH sem setur ráðstefnuna, Gunnar Björnsson, skrifstofustjóri kjara- og mannauðssýslu ríkisins fjallar um sögulegt yfirlit og tilgang stofnanasamninga frá sjónarhóli vinnuveitanda, Aldís Magnúsdóttir, deildarstjóri kjaradeildar LSH fjalla um áskoranir og tækifæri tengd stofnanasamningum og Gylfi Dalmann dósent í mannauðsstjórnun við HÍ fjallar að lokum um dreifstýringaráhrif stofnanasamninga, fundarstjóri verður Bára Hildur Jóhannsdóttir. Ráðstefnan fer fram í Hringisal LSH að Hringbraut frá 13.00 – 16.00.

### **Önnur mál**

- Erindi frá Fáskrúðsfirði vegna hækkunar á matarkostnaði. Málið rætt og vangaveltur um að nauðsynlegt sé að kannaður verði fæðiskostnaður almennt í mótuneytum. Rætt verður við BSRB um að kostnaður verði skoðaður um allt land.
- Ákveðið að Fulltrúafing SLFÍ verði 15. maí og félagsstjórnarfundur verði 14. maí og hefst hvorutveggja kl. 10.00.

Fundi slitið kl. 18.20